

「國家社會科學基金重大項目」

何建明 主編

中國地方志
佛道教文獻匯纂

人物卷

(129)

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

人物卷

（129）



國家圖書館出版社

中國地方志佛道教文獻匯纂·人物卷

陝西省 渭南市

蒲城縣新志

清·李體仁修 王學禮纂

清光緒三十一年（一九〇五）刻本

方技

國朝

胡光潔字萬川少嗜畫歷遊峨眉洞庭虎邱西湖及廈門羅浮皆有足迹由是畫境大進僑寓黃鶴樓最久故聲著楚北所畫達摩呂仙像近世佳手不及也

中國地方志佛道教文獻匯纂·人物卷

陝西省 渭南市

白水縣志

清·梁善長纂修

清乾隆十九年（一七五四）修
民國十四年（一九二五）鉛印本

白水縣志卷之四

知縣梁善長修

雜志

穀之嘉也不可雜以糠粃玉之美也不可雜以砒砢志而可以雜名哉然五色相雜而成文五聲相雜而成音紛錯之中各從其類而得其所歸則雖雜而仍不雜也善長於人與事其疑而未決與例可附錄者合爲一編讀者信其所可信而不信其所不可信則棄取咸當矣述雜志

別傳

明

僧復初姓史氏韓城人生有夙慧自少祝髮究心內典所至
開堂說法名播數郡嘗卓錫縣之慶興村自築演慶堂居之
時屢經兵亂田野荒涼燐飛鬼哭無處無之復初乃分設三
壇誦經施食凡百日以度幽魂蒲城致仕屈穎藻紀其事康
熙丁亥來住阿文村之永慶堂耕田食力未嘗向村中人乞
升斗有延主齋事者亦堅謝不往獨出而祈雨釀雹往往有
應一日忽語其徒以卒日預爲一塔於寺側雲南布政使韓

城劉蔭樞爲之誥銘

康熙二十五年

至期辰沐浴整衣端坐而化衆

咸異之時雍正十一年二月五日也享年八十有四其辭世語云乾坤之內宇宙之間一大玄門一人要出費盡機關不能出來一人要入使盡機謀不能入去人謂復初已悟禪旨云

中國地方志佛道教文獻匯纂·人物卷

陝西省 渭南市

續潼關縣志

清·向淮修 王森文纂

清嘉慶二十二年（一八一七）修

民國二十年（一九三一）西安克興印書館鉛印本

卷之四

書畫

僧然果龍王廟僧精於畫虎咆哮猶猱望之如生

中國地方志佛道教文獻匯纂·人物卷
陝西省 渭南市

潼關縣新志

羅傳甲修 趙鵬超纂
民國二十年（一九三一）鉛印本

清藝術

僧然果善畫虎咆哮如生

潼關縣志

人物志

十九

中國地方志佛道教文獻匯纂·人物卷
陝西省 咸陽市

咸陽縣志

清·臧應桐纂修
清乾隆十六年（一七五十一）刻本

僊釋

周

茅濠

字初成咸陽人即東卿司命君盈之高祖也濠
睹周室將衰不求仕進於諸侯常嘆人生若電流出處
宜及其時於是師北郭鬼谷先生授長生之術後入華
山脩道合藥乘龍駕雲白日昇天先是其邑歌謠曰神
仙得者茅初成駕龍上昇入太清時下元洲至赤城繼
世而往在我盈帝若學之臘嘉平秦始皇聞之因改臘
爲嘉平 洞仙傳

秦

居隱見六

卷四

一

茅盈 字叔中年十八棄家入恒山積六十年思念至
道寢興妙論彷彿見太元玉女把玉札攜至西城見王
君從王君見王母王母告以玉佩金璫之道太極元真
之經又有陰陽二景符與太上法遂歸句曲邦人因改
句曲爲茅君山時二弟固表在宮闈盈元跡渺邈於是
棄官還家渡江求兄盈並授以上一道至漢平帝二年帝
命盈爲司命東卿治赤城玉洞之符二弟留治此山

害

忍辱禪師 乃竇太后母弟也咸陽人厭戚畹穠郁甘
藹清芬毀髮受戒於義興寺既而得真印登彼岸究

竟涅槃離殼漏而儼然坐化怡然如生至今色身尚存
凡騷客遊人景慕而至者如相接踵然

最師 即忍辱禪師之弟也亦脫塵凡齋戒誦經盤膝
端居瞑目而逝生氣凜凜故所居之寺因名之

宋

主 詰 字知明號重陽咸陽大魏村人母孕二十四月
而生美髯目長於口少讀書嘗隸名武選正隆乙卯間
忽遇至人於甘河授以口訣飲以神水遂得道大定間
無疾而逝

明

王元陽 不知何許人也亦不詳其字號長居大魏村高山廟年一百二十歲先知死期時刻至期烈風迅雷冥目而逝時崇禎十三年也 墓碑記